

EXERCITATIO ACADEMICA

De

# ET ESSIIS,

Quam

AUSPICE DEO TER-OPTIMO, TER-MAXIMO!

IN ALMA EBERHARDINA,

Sub PRÆSIDIO

DN. RUDOLPHI JACOBI CAMERARII,

Phil. & Med. Doct. & Profess. Publ. Ordinarii,

DECANI Facult. Med. Spectatissimi,

PATRONI atque PRÆCEPTORIS sui ætatem  
VENERANDI,

IN AUDITORIO MEDICO

Ad diem 29. Augusti

Hor. antemer.

Amico Commilitonum examini submittet

IMMANUEL Weismann/  
Waiblingensis.

TUBINGÆ,

Typis JOHANN-CUNRADI REISL,

---

Ætate M. D. CC. V.



VIRIS  
*THEOLOGIS.*

ECCLESIASTICIS LITERARIISQUE MUNERIBUS  
CONSPICUIS.

DN. ERYCO WEISSMANNO,  
Serenissimo Württembergiæ Duci à Consiliis Consi-  
storialibus, Monasterii Albæ Dominorum Abbati, Ecclesiæ-  
que Cathedralis, quæ Stuttgartiæ est, Antistiti  
Gravissimo.

DN. M. FRIDERICO CHRISTOPHORO  
WEISSMANNO,  
In Cœnobio Bebenhusano Ecclesiæ MINISTRO, Ju-  
ventutisque ibidem Studiosæ ac suo quondam in PHILOSOPHIA  
PRÆCEPTORI meritissimo.

&  
DN. M. CHRISTIANO EBERHARDO  
WEISSMANNO,  
Serenissimi PRINCIPIS Sacellano Aulico dexterrimo.

*PARENTI Suo ad cineres Honoratissimo,  
Et de Salute sua omnigenâ Meritissimo.*


*FRATRIBUS insuper Suavissimis.*

Hoc  
Specimen PHYSICO-MEDICUM  
tanquam

PIETATIS suæ & AMORIS monimentum  
consecrare voluit

IMMANUEL Weissmann/  
Respondens.





Σ. Θ.

**E**r nuperas ferias *Disputationem* meditantibus tempestivum videbatur thema, quod ipsi dies caniculares offerebant, quorum temperando aestui Etesias destinari, longâ traditione prætenditur. Movebat magistrorum artis autoritas, quorum nihil temerè prætermittens diligentia specialiore quoque ventorum passim facit mentionem; testimonia exhibebimus in progressu ex Coö & Pergameno abundè, ulterioremque ipsis lucem facerabimur ex Stagiritâ & Eresio. Inter desiderata Medicina Georg. Hieron. Welschius in *Somnio Vindiciani* retulit num. 13. meteorologiam Vett. & Recent. redactam in systema, ad usum medicum, cuj. nr. 14. prudenter subjungitur *Chorographia medicinalis*; nam & Hippocratis libellus de aere, aquis & locis hac connexa complectitur. Liceat ergò naturam Etesiarum transsumere ex philosophiâ, & applicare ad Medicinam, ut clarius pateat, quid abhinc pathologia corpori humano mali metuat, vel hygiene & therapia boni promittat. Ducat nos veritatis Spiritus!

**H**istoriam Etesiarum & potiora phænomena complexus est Galenus in comm. 3. ad 2. hipp. d. morb. vulg. ubi ita: Cùm æstivum tempus suapte naturâ semper sit calidum, si ventorum vacuitas accedat, æstus necessariò consequitur, quod usu venit, cùm neque venti, qui prodromi vocantur, spiraverint, neque ii, qui eos consequuntur, quos etesias nuncupant. Ardentissimo enim æstatis tempore, canis oritur, hocque tempus est dierum quadraginta; incidit autem hoc in idus quindiles. Ante canis exortum octo fermè diebus perflant aquilones, quos prodromos vocant; duobus post exortum diebus iidem aquilones constanter perflant diebus quadraginta, quos etesias appellare solent.



lent: *Eis creditur molliri solis vapor, geminatus ardore sideris; Nec ullos ventos magis statos facile reperies; atque hi spirantes, multas morbosas affectiones in corpore humano abstergunt.* Quibus utique verbis Etesiarum tempus, ortum, durationem, plagam mundi, qualitates & usum proposuit, quæ proin omnia ex veterum primò monumentis illustrare, dein juxta recentiorum & proprias observationes ad nostra loca & tempora examinare & applicare studebimus.

Perhibentur Etesiae venti statim, anniversarii, quæ nominis ratio, æstivi, caniculares. *Aristoteles meteor. l. 2. c. 5: Etesiae flant post versiones (solstitium æstivum) & canis ortum, & neque tunc, quando maxime propè fuerit sol, neque quando longè.* Specialiori hinc prædicato audiunt diurni, hæc enim statim sequuntur loc. cit: *Diebus flant, noctibus autem cessant.* Et apud *Theophrastum Eresium lib. d. vent. Cum sole occidente desinant, & noctu non spirant.* Apud *Plinium Hist. Nat. l. 2. c. 47: Etesiae noctu desinant flare, & à tertiâ diei horâ oriuntur. Noctu auster, interdum aquilo vehementior.* Ille infernus ex imo maris spirat, undè fluctus majores, quàm aquilone, qui summo. Septentriones impari ferè desinant numero, quæ observatio etiam in multis aliis rerum naturæ partibus valet. Scitum est, quod ait *Seneca in quæst. nat. etesias ob hoc somnolentes à nautis & delincatos vocari, quod, uti ait Gallio, manè nesciant surgere.*

Sunt etesiae aquilones, venti septentrionales. In probl. *Arist. s. 26. n. 2.* & apud *Theophrastum l. c.* quæritur: *Cur aquilones, non austri, fiant ètῆσαι, anniversarii?* (quomodò comparatum sit cum etesiis post solstitium hybernum, cum flatibus chelidoniis, avicularibus, ornithiis, levconotis, quorum & in *Epid. Hipp.* mentio, viderint alii, vel videbimus alibi.) Addit tamen *Aristoteles: Etesiae gyraunt habitantibus circa occidentem ex ἀπάρδιαις in θρᾷσκιαις, ἀργεῖσσι & Ζεφύροις, incipientes quidem ab ὤρῳ, terminantes autem ad εὐρύ, qui longè. His autem, qui ad orientem, gyraunt usque ad ἀπὸ λυτῆν;* consul. *Ferr. Imperati hist. nat. p. 304. Plinius autem: In Hispaniâ & Ἀπὸ ἀπὸ ὀριῶντος flatu est eorum, in ponto ab aquilone, reliquis in partibus ἀ ἀπὸ ὀριῶντος.*

Sunt venti sereni, sicci, frigidi; hoc enim & plaga mundi è qua spirant arguit & anni tempus quod recreare debent, illa frigoris est, hoc caloris. *Theophrastus tamen: Aquilo & præsertim etesiae iis, qui ad meridiem habitant & orientem, pluvii sunt: ibi serenum ventus, ubi primum oritur, contra pluvius ac nubilus, quò pellit aerem.* *Galenus & Plinius molliri etesiis Solis.*



Solis vaporem, i. e. temperari scribunt, dicuntur apud Senecam illi flatus æstatem frangere, & à mensium ferventilunorum gravitate defendere: Sed & in margine editionis meæ Plinianæ legitur solis vapor mollire etefias; ne sic quidem malè, quoniam aquilo toties per annum nimis quàm rigidus est, quia ipsam apud nos æstatem sæpè distemperat; utinam tum molliretur, cùm vineas nostras radens gelu minatur: de quo infra.

Talia veteres olim de Græciâ & Italiâ; quæritur, quid de Etésiis recentior ætas? Res utique est experientia, de quâ moderni Græci & Itali tenentur perhibere testimonium, aut quos curiositas eò ducit, vel in Ægyptum & Africam. Nos nostra tangunt; an nobis sint tales etefiæ? *Varenius* Geogr. in Germaniâ non spirare scribit, sed ut ingenuus est, optat observationes accuratiores; Italiam sanè & Galliam in eodem numero recenset, in Galliae tn. parte Aquitania anniverſarium esse aliquem ventum meminit se legiſſe aliquando; (*Scaliger exerc. 45. Etefias in Vasconiâ non ſenſimus, alibi potius ſubſolanos. Et in Scaligeranis edit. colon. anno 1690: prognostica rusticorum in regionibus calidis vix fallunt, hi: verò ſepiſſimè, nam nulla prognostica valent.*) tandem, in canicularibus nostris, pergit Varenius, boream sæpè flare, non est negandum; Cui subjungit *B. Sturmius* in Dissertatione de Aeris mutationibus, mirèque per univèrſum terrarum orbem variantibus tempeſtati-  
bus, cap. 2. phæn. 15: *Et nos non ſemel eodem anni tempore in hoc noſtro horizonte flatus ejusmodi boreales blandos ſenſimus:* ſed cap. 3. §. 18. ex *Kirchero* refert, eodem tempore ſentire regiones ciſmontanas ſeptentrionalem, transmontanas australem ventum; ſermo autem ipſi ibi eſt, de montibus carpathicis & tauricis.

Nos ante omnia dubitamus, an Etésiæ Græcis fuerint adeò ſtati, ordinati, & conſtantes, ac vulgò traditur, idque ex hâc ratione, quia non ſolùm *Theophrastus Ereſius* anomalix & inæqualitatis eorum non unius meminit expreſſè, verùm inſuper *Hippocrates* plures habet conſtitutiones æſtivas, in quibus Etésiæ deſiderabantur; & in aphoriſmīs quotidianarum per annum conſtitutionum aquiloniarum meminit potius generaliter, quàm reſtriçtius ad ſolam æſtatem. Unde ſecundò theſis noſtra pro noſtrâ TUBINGA hæc eſt, quam obſervationum per multos annos habitatum fide ſuffultam prætendimus: Eurum ſerenitatis vel cauſam vel comitem aut indicem, (plebi noſtræ ventum inferiorem, quia fluxus Nicri ad Urbem eſt ab occaſu ad ortum, à nigra ſylva ad humilia & inferiora Patriæ loca) qui plus minusve deſſectit ad ſeptentrionem, obſervari utique ſtantem etiam per dies caniculares, & aeris  
A 3 calid



calidiorem intemperiem meridianam & pomeridianam ventilare vel aurâ vel flatu, cui frigidula qualitas gratiam tunc conciliat : Hoc autem quadraginta vel triginta illis diebus nec esse universale, si annos plures inter se conferas, nec peculiare, si anni partes examines, i. e. nec omni, nec soli tempori caniculari proprium, sed commune æstati, imò reliquo anni, prout scil. à causâ quarendâ inferiùs contigerit quocunque tempore excitari flatum ex illâ mundi inter ortum & septentrionem plagâ, quod & intra & extra dies caniculares potest & solet fieri modo incerto, non æquabili, non ordinato, sed jam sæpiùs, aliàs rariùs, durat modò longius, modò breviùs, cum gradu frigoris minore vel majore, ita tamen, ut utique nunquam blandior, nec magis tempestivè veniat, quàm cùm æstate calet maximè. Interim prædicata euri & euroboreæ, quæ videsis apud Physicos & Geographos passim, quæque per reliquum annum de hoc flatu verificantur, competunt ipsi etiam suo modo per æstatem, & illam æstatis partem, dum sol in leone est, ubi etesiarum nomen fert. Validissimus hic ventorum est ad procurandam Barometro altitudinem, ad promovendum, conservandum imò relevandum Mercurium in suâ scalâ ad gradus pro quadrantibus anni altiores; qualis utique in *Ephemeridibus Tubingenfibus* à Præside descriptus legitur. Hic flatus hunc servat communiùs ordinem, cùm serenitatem fovet constantiorem: Qui primò fuerat euroboreas, qui spirarat fortior & rigidior, qui venerat mage matutinus, qui mercurium elevaverat, is sequentibus diebus mutatur sensim, ut tardior surgat seriùs, ut lenior spiret mitiùs, ut tandem fiat eurus, euronotus, & mercurium usque magis dimittat. Hæc enim est dicenda ventorum circulatio, à lævâ ad dextram, ab ortu per meridiem ad occasum, à sereno ad nubilum; Nisi noviter properet interveniens euroboreas, & nubes abigat, minati visas tempestates resolvat; Quod utique hoc anno per Augustum fecit egregiè, toties meridianus, tempestivus, recreatorius omnium, sed eo ipso simul longæ siccitatis patronus. In ENC. 2. 4. 123. de excessivâ anni 1684. siccitate *Sommerus*: Toties cœlum pluvias promittere visum redditum fuisse sudiissimum, dispul-  
sas nubes, sine pluvîâ, cùm oriretur ventus frigidus, à physicis Circius dictus, ex plagâ quidem inter septentrionem & occasum. Nec nos negamus, omnia prædicata, omnes proprietates etesiarum habere interdum, sed rariùs, hujus quoque plagæ ventum, nam id ipsum observavimus, & olim ejus mentionem fecimus in ENC. 3. 8. 86. occasione serenitatis cum Eclipsi Solari sub finem prioris Seculi.

Ab historiâ ad ætiologiam: Quandoquidem *Theophrastus* à solis motu ultrò citròque comitantem aeternam, flatus & in specie etesias deducit, quapropter



propter ipsi adde *Plinium*, qui l. c: *A levo latere in dextrum* (ut sol) *ambiunt venti*, pro circulatione prius annotatâ. Materia passim traditur nix & glacies septentrionalium, quam non nisi sol propior æstivus, de die, non nocte liquefaciat, undè varii spirent halitus & flatus, tam pro liquefactæ materiæ diversâ quantitate, quàm locorum differentiis in viciniâ, distantia, & situ plus minus directo: Apud *Cretenses*, qui prætenderant, niviosiores esse hyemes, quàm fuerant olim, & esse plures etesias, necesse est, scripsit iterum *Theophrastus*. An ergò pro fonte etesiarum montes ipsius insulæ? an vicini, non remotissimi, quos pro boreæ spiraculo sub ipsâ ursâ sibi concepit *Hippocrates*? An *Pyrænei* pro *Hispanis*, *Apenninus* pro *Italîs*, *Carpathii* montes pro *Græcorum* etesiis, ut voluit *Kircherus*? Huc modò talia non quadrant, ubi etesias non habemus ab alpibus ex meridie, sed ab inferiore, meliore, Ducatûs parte; aquilo nobis jam aquilo est, i. e. frigidus, siccus, antequàm alpes transierit, & audiat *la tramontana*, quam horrent Itali.

Famosa est pro conditione hujus temporis stella fixa, canis majoris, cujus vel eâ de causâ hîc facienda mentio, quia passim ortus ejus & quarundam porrò fixarum occurrit in laudatiss. libbr. epidem. *Hippocratis*. Hunc in compendio *Galenus* exhibet in comm. ad aph. 1. 4. l. 3: *Ortus plejadum principium est æstatis: post quem canis ortus oporam appellatam inchoat, quam etiam secundam partem æstatis vocant. Post banc arcturus oriens, initium facit autumno. Deinde occasus plejadum hyemis principium adducit. Et inde, quod hyemem sequitur æquinoctium, veris exortum*. Mutationes aeris & morborum sub hac tempora magni utique habuit *Hippocrates* & *Galenus*, nam passim inculcant. *Job. Kepplerus* in Epit. Astronom. Copernic. l. 3. ubi de ortu poetico, de Sirio ita: *Est stellarum maxima, est ab Ægyptiis creberrimè observata, prognostici causâ, (à gente scil. cui pro Deo colebatur, à cujus exortu omnes spes suas suspendebant) Erat ortus ejus insignitus Etesiarum flatu in Græciâ & Ægypto, re celebratissimâ apud veteres historicos. In summâ, quidquid naturaliter evenit illâ parte anni, ob æstum adultum, jamque discessu solis marcescentem, id huic sideri fuit ascriptum; ut, quod gravescit æstas, fervent maria, morbo carbunculari infestantur uvæ, vina mutantur, canes in rabiem aguntur, morbi ingruunt, cura morborum difficilis evadit. Denique illa pars anni totis jam bis mille annis cognominati sunt dies caniculares*. Sed pergit: *Veterum opinionem, fidus esse efficax, & generare magnam auræ commotionem, siderum exortu vel occasu vehementiores tempestates effici, aut saltem significari, refutat nostra ætas, quandoquidem sidera sedibus suis in Zodiaco pristinis excessere,*



tempestates verò cum sole redeunt; retinet quilibet pars anni suam naturam, suumque iugenum, stellis fixis magis atque magis in dies sequentes migrantibus. Tandem postquam operosus illustrasset & emendasset obscure dicta veterum de cane, & calculo ducto demonstrasset, quantum intersit inter ortum tempore Hippocratis in Græciâ, & tempore suo in Germaniâ, quò cum Zodiaci gradu fuerit utrinque ortus heliacus, i. e. matutina sirii ex radiis solis emissio, tandem, inquam, concludit: *sam penes naturæ consultos est, utri vim canicularium tribuere velint, solis altitudini, an sideri canis?*

Verum enim verò solis & fixarum cuivis loco quovis anno ortus idem est, sed modus aeris non idem. *Fr. Vallesius* in comm. ad l. 2. epid. ita: *Caldidiorum aut frigidiorum, humidiorum aut sicciorum annum facit, non accessus aut recessus solis, hic enim æqualis semper est, sed pluvia multa aut parva, & ventorum species præcipue. Ut quidem hæc sint, aut non sint, sintve plus aut minus, consentaneum est, varios astrorum aspectus facere, quorum secundum singulos annos mira est differentia, cum hæc inferiora à supernis illis lationibus gubernentur. Nam si omnia haberent eodem modo in superioribus illis corporibus, cur non eodem modo etiam hic haberent, aut fierent. Ceterum hæc ipsa afferunt hanc aut illam temperiem, pluvias aut flatus afferendo, aut contraria. Ascendit etiam ad superiora Helmontius, & in cœlo quærit, quod ventorum valvas pandat vel claudat, valvarum enim claviger est stellarum motus: Ventum ergò dicit aerem fluentem, motum per blas stellarum, quod complacuit Eterno collocare in stellis, tanquam vim motivam enormiticam, mandato oris nostri non absimilem, quæ strata & fundos aeris diversimodè movet, & qualitates primas causat hîc infra ratione itineris per loca & secundum aspectus, non secus ac animi motus in hominibus frigus & calorem concitant.*

*Sturmus* mutationes aeris immediatè à ventis deducit, ventorum fontes in terris statuit, determinationem halituum excitatorum quærit in angustiis montium & nubium, particulares effectus in conditionibus singularum regionum in se & ad vicinas, (curum e. gr. siccum à longo terrarum versus ortum tractu) variabilium in specie apud nos in zonâ temperatâ tempestatum causas fundat in dispositione terrarum & marium, hîc multò quàm in torridâ inæquabiliore & irregulariore; Et in his subsistit, in his scil. inferioribus, quæ universalem solis actionem ita determinant, excludit autem Planetas ab istâ suâ meteorologiâ. Inter argumenta exclusoria virtutis planetariæ quamplurima, duo sunt, à ventis statim desumpta, quæ huc redeunt: *Esse vices anniverfarias flatas ventorum ac tempestatum sub torridâ zonâ, esse constantie*



stantie illius & equalitatis velut umbram quandam in etesiis & ornithiis, à solutis montium nivibus, cœlestium interim constellationibus & aspectibus nequicquam variantibus, nec ordinem illum utrinque intervertere valentibus: Græcorum etesias quotannis iisdem mensibus spirasse, & apud nos quoque æstate mediâ lenes quosdam à boreâ flatibus sentiri, quicumque interim vel planetarum singulorum positus vel mutus eorum aspectus in cœlo fuerit &c. Atat, suam, quæ ibi periclitari videtur, causam agant Astrologi, nos simpliciter ea tangimus, quæ nostrum thema tangunt: Primò, argumentum à Zonâ torridâ nimis è longinquo petatum est, quàm ut pro sufficienter expedito haberi possit; secundò etesias ita constantes Græcis prius dubios reddidimus: tertio etesias per æstatem se habere pariter, quicumque sint aspectus, non experimur, sed certius euroboream promittimus sub aspectu Saturni cum Sole, Mercurio, quàm sub quocunque alio; quartò quid annos distinguat non generaliter, sed aliquanto specialius per illam hypothesin optarem determinari. Huc ergò pilas æolias, quandoquidem mechanismus follium minus videtur congruere, huc antra sive grottas refer, quæ frigus spirant; Circuletur etiam si placet terra, suas partes suo soli diversimodè exponat, suumque coabripiat aerem; quærat æquilibrium inter aerem calore pansum & frigore densum; Benè omnia, & si quid porro ad originem ventorum videatur facere; Interim veritas, ubi Nicodemum de ignorantia in spiritualibus convincit, ne naturæ quidem motus nobis satis cognitos inculcat: *Spiritus ubi vult spirat, & vocem ejus audis, sed nescis, unde veniat, aut quò vadat.*

Supereft, ut Etesiis quoque modum assignemus virtutis in Barometrum; Ponunt autem diverfi diversa motuum mercurialium fundamenta: Aeris incumbentis columnam breviorē vel altiorē factam sibi concipit, qui alium gradum barometri in imo quàm summo montis observat: Aerem condensatum vult gravius premere, qui mercurium in vase clauso ab intruso aere sursum pelli vidit: Aerem expansum pariter urgere mercurium sursum movet, qui novit hoc à calore pati barometrum in vase itidem clauso: (viderit autem uterque, ubi locum hoc modo clausum, qui aerem ita coerceat, in oceano libero inveniat.) Qui denique menstruum imprægnatum heterogeneis gravius, præcipitatis ipsis levius meminit, aerem quoque effraviorum accessu graviores, exoneratione eorundem alleviari prætendit. Si cui tales mechanismi displiceant, & videatur opus spiritu vel motore vitali, (ut sunt diverfi hominum gustus, de quibus, volunt, non esse disputandum) consulat *Henr. Morum* (& Epist. *Sternii* ad *Morum*) in *Enchir. Met.* & in notis ad *difficiles naves*, qualiter quidem observ. circ. *Experim. Torricell.* sive dissertationem



hydrostaticam *M. Hale*, Angliæ Justitiarius dicitur inscripsisse; sed quem titulum jure carpit & corrigit *Morus*, & cui *Wallijus* respondit pro aeris pondere, ut colligimus ex *Ad. Lips.* ann. 1696.

Temperant æstatis fervorem Etesiar, & multas morbosas affectiones in corpore humano abstergunt: Hoc ultimum est, quod usum concernit in *Galen*i verbis, quæ pro fundamento supra posuimus, scil. beneficia illa, quæ redundant in aerem, & per aerem in hominem; Qualia ut captarent *Cycladum* incolæ, i. e. ut etesias elicerent, atque sic suavi frigore squalorem & sterilitatem ab agris removerent, certis ritibus ac hostiis id curasse dicuntur: Sed qualiter & *Theophrastus* de Cretensibus scribit, Etesias ipsis quondam planè defecisse, & ab *Aristæo* sacrificante fuisse revocatos, ut fabulantur. Suppetunt autem passim testimonia de salubritate Euroboræ; Hoc *Plinii* est: *Ventorum frigidissimi, qui à septentrione spirant; li & reliquos compescunt, & nubes abigunt. Saluberrimus omnium aquilo, quia siccus & frigidior.* Illud *Corn. Celsi* ex lib. 2. c. 1. *Frigus prodest juvenibus, & omnibus plenis, erectiorque mens est, & melius concoquitur, ubi frigus quidem est, sed cavetur. Saluberrimi sunt sereni dies, meliores pluvii quàm tantum nebulosi aut nubili, optimique hyeme, qui omni vento vacant, æstate quibus favonii perflant. Si genus aliud ventorum est, salubriores septentrionales, quàm subsolani vel austri sunt. Sic tamen, ut hæc interdum regionum sorte mutantur. Aquilo sanum corpus spissat, & mobilis atque expeditius reddit.* Habuit hoc ex *Coo*, qui in aph. 17. s. 3. ita: *Quotidianæ constitutiones aquiloniæ cogunt corpora, & firma, agilia, beneque colorata, ac auditu valentiora reddunt, &c.* Sic aer & venti conservant corpus humanum, & sunt de censu rerum dictarum non naturalium; sed hæ vicissim nos lædunt, ubi vel ipsæ recesserint à constitutione suâ, vel fuerint nostri in earum usu commissi errores. Qualiter æstas se habet, modò calidâ nimis & siccâ intemperie omnia torrens, aliàs non satis excalesciens & excoquens, nisi medium teneat: Taliter etesias quoque considerabimus, quæ peccant vel in defectu vel in excessu, & utroque modo morbosos effectus per pathologiam protendunt.

Aquiloni *Cons* opponit *Austrum*: Defectu igitur Etesiarum vel silet aer, nec movetur, ad analogiam aquæ stagnantis deterior fluente, vel dominium obtinet auster, calidus & humidus, sub quo facilis corruptibilium putredo. Hujus autem venti, & harum qualitatum prædicata prioribus sunt contraria: *Plinio* iterum *æstuosus auster, humidus, præsertim Italiæ, noxius, quia fortè humidus. Minus esurire spirante austro creduntur animantes;* Uti mi-



nor est appetitus æstate, difficilior concoctio, juxta aph. 15. 18. f. 1. & comm. Galeni, ubi consilium: *Studendum, ut frequenter pauca exhibeamus.* Celsus item: *Auster totum corpus efficit hebes, humidum, languidum.* Etiam hoc ex Coo, qui cit. aph. & 5. f. 3: *Anstrine constitutiones corpora exsolvunt & humedant, auditum hebetant, caput gravant, vertiginem oculis, tarditatem corporibus adferunt, alvum humedant, pigros & languidos reddunt.* Iterum Celsus: *Nimius calor corpus effœminat, nervos emollit, stomachum solvit, concoctionem prohibet, somnum aufert, sudorem digerit, obnoxium morbis pestilentibus corpus efficit.* Et hæc ex Coo, qui omnia habet, aph. 16. f. 5, & insuper *animi torporem, hæmorrhagiam, deliquia.* Sunt quidem & æstatis beneficia, eaque amplissima, quis enim frumentum speret & vinum bonum hoc frigido climate, nisi calore solis bene excoctum, (messiem utique siccâ hâc æstate habuimus optimam) pariter humano corpori tempestivus debetur calor: *Frigidioribus regionibus salubrior æstas esse consuevit, calidioribus hyems.* Wedelius aph. aph. 17. 3. *Æstate & ad aliquam autumnii partem melius degunt & valent senes Hipp. aph. 18. f. 3.* Et quæ de noxâ calidi ex aph. 16. f. 5. fuerunt recensita prius, intelligenda sunt de frequentiore ipsius usu; laudes enim calidi leguntur aph. sequente 22. Sunt tamen & æstati morbi proprii, congrui, qui aliis interdum anni temporibus etiam fiunt, sed æstate magis tum fiunt tum exacerbantur; Sc. aph. 21. f. 3. *Nonnulli veris morborum, & febres continuæ & ardentes, & tertianæ plurimæ, & vomitiones, alvi profluvia, ophthalmiæ, aurium dolores, oris ulcerationes, genitalium putredines, & sudationes, sive, ut Celsus, quidquid sudore hominem resolvit.* Proin uti frigus vel humidum est vel siccum, diversæ originis, pro illo quippe boreas deflectit ad occasum, pro hoc ad ortum, & diversimodè nos afficiens, sic & æstatis calor vel jungitur humiditati vel siccitati ad diversos in terram & hominem effectus, sub eunoto vel libonoto: *Ex constitutionibus autem anni in universum siccitates assiduæ imbribus sunt salubriores, & minus mortifera. Assiduæ imbribus morbi ferè fiunt, febres longæ, fluxiones alvi, putredines, epilepsiæ, apoplexiæ, angina: Siccitatibus autem morbi tabifici, ophthalmiæ, artuum ulorum dolores, urinæ & intestinorum difficultates,* aph. 15. 16. f. 3. Siccitatem itaque non corrigunt Etesiæ, potius humida siccant, ventilant tamen aerem & plus minus refrigerant ipsum quoq; calido-siccum, eum stringunt, in elatere suo firmant & intendunt. Cremat ignis fortius sub flitu & frigore boreæ, quàm austri Helmontio.

Quale remedium lipothymix est, quam angustia fortè calido-humidi



balnei induxit, in conspersione cum frigidâ, aceto factâ, in solo liberioris aeris appulsu; Talis est recreatio æstiva languenti homini afflente aurâ frigidulâ, quæ respirationem procurat liberiores, spiritus reficit, habitum corporis confirmat, dissipationem nimiam coercet. Modus enim agendi quo lædit æstus ex citatis *Celsi* & *Galen*i locis huc redit: Incipiunt corpora laxari & rare fieri verno tempore, relaxantur autem usque magis æstate & meridianis caloribus: Calor noster in sanguine suo & spiritu æstate ad externum sibi affinem quasi protenditur, (sic interiora relinquit infirma) ubi dissolvitur & dissipatur, per sudorem & insensibilem transpirationem utilis cum inutili materiâ nimium diffatur. Consumto hinc necessario nobis humido ficcari incipiunt & tantum non exarescere fontes nostri, saliva fit pauca, tenax, siticulosa molestissimè, occasio frequentis illius causæ morbificæ, & famosæ in tristibus effectibus, haustus scil. intempestivi; parum tunc mingitur, minus quàm hyeme; & alvus sicca tardat, utrinque seri defectus, sc. extrorsum versi & ibi consumti: Nisi vel humidus calor relaxet, vel bilis acuta in choleram fortè effervescat, aut præcipitata alvi fluxum cieat, vel fructus horæi uberem fermentanti corruptioni materiam præbeant, vel stomachus languens cruditates ingeneret & calida causa frigidos effectus producat. (An ergo æstivo tempore calidis cibis ac generosis vinis utendum sit, si forte quæras, responsum habes apud *Hernium* ad aph. 15. s. 1.) Conjunxit talia per æstatem pro febribus & dysenteriiis *Sommerus* in *ENC.* loc. cit. sc. appetitum ad cibos maximè calidos t. t. dejectum, ad potus frigidos affatim ingerendos excitatum, vigorem coctionis fractum, crudorum humorum farraginem, potus & fructus horæos impuros, facilè putrescentes, cum aeris intemperie & iniquatione, &c. Qualia scil. æstas infert vel per se vel per accidens, & qualium ubi de etesi sermo est habenda ratio tanquam conjunctorum & sæpius concurrentium; Quorum tamen omnium determinatio est à variâ ex- & recipientium conditione, pro diversitate temperamentorum, ætatum, prout sani vel causarii, urbani vel rustici, assueti sunt vel non passionibus aeris, in quos ipsæ cadunt.

Qui diaphoreses specialiores habuit curam *Sanctorius* in medic. static. ipsam in aph. 78. s. 1. & aph. 27. s. 2. ad molestiam quoque passionis æstuosæ sub defectu etesiarum applicat: *Quibus aliquid perspirabilis, in vehementissimis æstivis caloribus exhalare prohibetur, calor est molestus: quibus verò perspiratio omni ex parte est libera, calor non molestus. Æstate calore vexamur non primò & per se propter aeris caliditatem, quælibet enim corporis pars est aere æstivo calidior, sed quia in aere æstivo non est tanta frigiditas, ut naturalis calor sufficienter concentretur, quo fit,*



fit, ut ita diffusus, minus possit perspirabile suâ naturâ calidum insensibiliter excernere: quod retentum redditur acre, & est causa, ut magno vexemur calore. Et sequentes theses fuerunt *Corn. Bontekoe*, ut doceret, calorem in febribus esse expellendum calidis: Calor in sano vigente circulatione major, sed minus sensibilis, minor in sanguine coagulato & tardius moto, verum jam sensibilis, molestus; In sano liber exitus, per transpirationem in auras velocissimè evanescit calor, non diu in parte hæret, sed celeriter & liberè transit; Quæ in febribus omnia contrario modo se habeant. Hoc quidem experientiæ est, calorem dum siccus est in paroxysmo esse graviores, ubi madere incipit, reddi tolerabiliorem.

Inter effectus speciales canicularis æstus per etefias molliendi non prætermitti debuit brutorum rabies, tanquam è præcipuis, & eò gravior, quò tristioris consequentiæ ad hominem, cui virus inde illatum novam brutinam superinducit naturam, ægrè delebilem, quæquæ adeò ipsum diriter excruciat, antequàm violenter destruat. Sic autem non modò *Plinius*: *Canes toto eo spatio* (scil. ab exortu caniculæ) *maximè in rabiem agi, non est dubium*, sed & *Georg. Baglivus* de tarantulâ: *Nec cuilibet regioni, nec quovis anni tempore venenifera est tarantula, sed Apuliæ duntaxat, atque æstivo tempore præsertim urente caniculâ*; cum quo etiam tempore olim demorsi recrudescentiam veneni persentiunt. Quoniam plura apud Hunc concurrunt phænomena regionis fervidæ, cujus incolæ dicuntur aerem quasi ab ardenti clibano efflantem spirare, juvabit ergò ipsa paucis tangere; legi autem meretur integer libellus. Ex unâ parte ponitur fructuum ubertas, regionis amœnitas, piscium & carnum affluentia, aeris salubritas, citantur venti orientales & septentrionales, videtur ibi favonius habere etefiarum vices, quippe qui spiret paulo ante vel post meridiem ab adriatico, & demulcere aliquantum ardentis Jovis calores: Ex adverso leguntur familiares ibi febres ardentissimæ, morbi inflammatorii, frequens copia canum rabidorum, major scorpionum virulentia, major etiam numerus melancholicorum & maniacorum, quàm per reliquam Italiam. Notior est horum venenorum historia, quàm clara causa: Aduustos humores, summè exaltatos spiritus quis non accusanti *Baglivus* concesserit? *Mart. Listerus* ad salivam canis, animalis non sudantis, septicam imprimis attendit tr. d. hydrophob. ubi & communis effectus qualitatum contrariarum notabilis, siquidem canes non solum maximo æstu, sed etiam per maxima frigora in rabiem aguntur. Non excludet violentia hæc, quàm patiuntur ab extra, stimulum alium, qui intus ipsos non sinit quiescere,



sed jugiter inquietat, donec favente anni intemperie in furorem agantur, scil. vermes subesse canum rabiei observantur. Pertingit autem æstivus ille fervor per ipsas aquas ad pisces quosdam, eosque fugat; non solum enim aurata se tunc subducit in latibula, sed etiam lucius in fluviorum arenâ, in limo stagnorum absconditur, subterfugiens aquas tepescentes, latitans contra ista cav. mata, quippe lupo, ferox, carnivorus, calidior aliis, quo ipso probatur à *Job. Anton. van der Linden* esse asinus *Athenæi* in *Deipnos.* & *Ællani* d. animal. qui asinum & asellum latitare solum dicunt calidissimis sub cane diebus, cum ceteri pisces frigidissimis se abscondant; hæc autem nota cum reliquis quadrat in lucium, non in cabeljavum, *Select. Med. Diss. 11*: ubi multa de cane ex *Petavio*, & pro sole ac solo contra stellas ad anni vicissitudines ex *Salmasio*, de quibus nos supra ex *Kepplero* & *Sturmio*.

Defectum tandem Etesiarum in morbis epidemiis non prætermisit *Hippocrates*, adeò quidem diligens observator, ut generale *An. Foessi* commentatoris pronunciatum hoc sit: *Suspectam semper habet æstatem Hippocrates, in quâ etesia pauci, nulli, aut divulsi, disjuncti, interrupti, dispersi, non continenter spirant.* Equidem *lib. d. aer. aq.* hyemis aquiloniæ, veris austrini vitia corrigi, morbos æstate metuendos abstergi posse monet, siquidem sub caniculæ exortum aqua & hyberna tempestas (utique proportionata anno, non excessiva) supervenerit, & etesiæ spiraverint, tunc quietis spem fore & autumnum salubrem &c. In *libris autem epidemiorum* tres occurrunt constitutiones, quæ inter alia ob defectum etesiarum malè audiunt; Una statim est in limine *libri primi*, altera *libri secundi sectione tertiâ*, tandem præcipuè infamis *libri tertii sectione tertiâ*: Cum annus austrinus, calidus, humidus, nubilosus & caliginosus esset, (ubi ex non factâ determinatione loci, quæ Hippocrati aliàs usitata est, universale quid arguunt interpretes, quasi ad pestilentes omnes constitutiones magnum haberet instar.) Tunc etesiæ iterum pauci, disjunctim spiravere, & morbi fuerunt ex putredine magno ibi numero legendi. Unde thesin hanc Hippocraticam generalem eruit *Welschius* cur. 2. Dec. 3: *Non minus cognosci morbos ex temporibus, aerisque constitutionibus, quam ex morbis anni tempora & ventos & siccitates & humiditates.* Sed ut ibidem legere est contradictum fuit huic thesi à pluribus: *Galenus* eam concessit particularem, in comm. ad aph. 11. sect. 3. sive dubitavit, num scripserit Hippocrates instructus sufficienti observationum numero, cum verò thesin faceret universalem, & vellet necessariam, Ipsum non observationem sed rei naturam fuisse secutum prætendit. *Bern. Ramazzianus* in app. *ENC.* 2. 9. & 10. curiosè descripsit epidemiam mutinensem duplicem



plicem, tertianas scil. diversas, priorem ruralem cum anno humido lutulento, alteram urbanam cum sequente sicco & pulverulento, & has phaenomenis atque methodo medendi distinctas, sic thesin illam confirmasse visus: At in *app. ENC. 3. 4.* alias exhibet cogitationes posteriores de morbis epidemiis per subsequens triennium, hac maximè in adversum tractus observatione, quòd una & eadem fuerit epidemia petechialis febris, cum tamen esset valde dissimilis constitutio annorum illorum trium à se invicem. De nostris epidemiis si quid dicendum, notorium omninò est, olim petechias, martis utique & annorum injuriis primum fundatas, postmodum ad quinquennium urbi inhaerentes, ita ut modò quiescerent post editam stragem, modò resurgerent, fuisse extensas per tot annos diversarum prorsus in aere constitutionum; fuisse interdum sub talibus, quas culpae in praesens non licebat; siluisse tunc interdum, & postea, sub tam perverso aere, quo jure metuisses malignas, non tamen insecutas. Interim verum fuit illud *Ol. Borrichii* in *Act. Hafn. V. 4:* *Malignitas februm hyberno gelu non mitigatur;* Item illud *Rhumelii:* *Pestis brumali frigore cessat, encephalonosos* (febris castrensis, maligna, petechialis) *viget.* Atque novae sunt petechiae, variolae; *Hippocrates* eas suo tempore non novit, vel non pro dignitate descripsit. Nostrae autem tertianae, quae jam in tertium annum, post breves quasi in hybernis moras, corripunt plurimos nostrorum, non obstantibus haecenus aeris mutationibus suum motum continuant; fuerunt tam sub gelu Maji & Junii, quod vinearum frondes adussit, quam sub Julii & Augusti aestu, qui pascua exussit. Aliàs rectè se habet, quòd pro morbis anni partium habetur ratio non unius, sed aliquot earum se excipientium, quarum una priorem vel intendit vel corrigit, cujus rei leguntur specimina in aphorismis & libris epidemiorum; Et morbi olim congrui partibus anni, sunt adhuc tales, utut non aequè omni anno. Sc. annus fructificat, & morbificat, i. e. praeter semen & agrum tota anni constitutio concurrat ad sperandos vel metuendos utrinque fructus. Hic ergò qui quatuor qualitatibus quatuor humores nostros, non malè, si congruè explicentur, accommodant, pro morbis aestivis accusant bilem, (acidum volatile sulphureum) nunc genitam, exaltatam; Qui hos insufficientiae arguunt, ad occultius quid ex latentibus aeris qualitatibus se conferunt, ad venenum, peregrinum aetherem: Apud priores causa procatactica non aequè admittitur, nisi ubi offendit proegumenen, posteriores habent causam quae promiscuè irruat in obvios. *Ramazzinus* quidem post plures instantias redit tamen ad austrum, hunc diatae vitiis compluriumque errorum syndrome jungit, tanquam famosum etiam apud Mutinenses, sive calidus humidus, sive virulentis effluviis



viis inquinatus sit, qui tam vitalibus muniis minus idoneus, quàm sustinendo barometro impar observatur, indigus omninò quem ventilent etesiae. Quid si verò pestis alicubi ab austro virulento orta deducatur hinc ad alios non infecto aere, sed per contactum, aut si mavis per terrorem? Interim ab austro pestilentiam metuerunt veteres, e. g. *Celsus*, sed expressè non omnem. Id miteris, cùm *Hippocrates* aeri aquas, loca, stellas, & plures circumstantias addiderit pro deducendis morbis, cur non ut *Thucydides* in suâ historiâ addiderit bellum & belli injurias, hæc enim multum valere observantur; & sunt, qui cieri utrumque à communi causâ velint. Denique huc spectat Divinum illud Hippocratis, quod si ullibi in epidemiorum certè ortu, duratione & occasu se exserit, & demonstrat tam sub correptione & abreptione mortalium, quàm evasione fataliter.

Non autem defectu solùm peccant Etesiae, cùm non mittuntur, sed & cùm non admittuntur; Sicubi fortè talis loci situs fuerit, qui propter obstacula montium, aliave, appulsum ventorum ex plagâ septentrionali & orientali intercipiat, & ibi habitantes beneficio ipsorum plus minus defraudet. *Hippocrates* cit. libr. d. aer. civitatum ad mundi plagas respectum quadruplicem sigillatim prosequitur; Laudat inprimis expositas soli orienti, ventis inter æstivum solis ortum & hybernum, tanquam quæ sint aeris temperationis, aquarum salubrium, morborum pauciorum, similes veri in suâ temperis & morbis, ubi foeminæ foecundæ, homines coloratiores, vividiores, claræ vocis, ad iram ac prudentiam melius comparati. Similes laudes citantur passim ex politicâ *Aristotelis*, & architecturâ *Vitruvii*, quos videsis; addatur apud *Helmontium* mons Domini. Quæ verò ventis exposita est calidis, qui perflant inter brumalem Solem orientem & occidentem, tecta autem eâ à septentrionalibus, tali morbos austrinæ constitutioni prius adscriptas assignat. Subest autem ille loci cujuscunque situs conditioni generali totius provinciae, prout ipse quidem *Cornelius* Europam ab Asiâ, utramque septentrionalem à meridionali sollicitè distinguit, tribuens suum cuique in moribus & morbis. Hæ circumstantiæ limitant mutationem aeris agris injunctam, dimissionem ipsorum in aerem rusticanum, quod solenne legimus *Mortono*, *Bogrove*, aliisque.

Potest huc referri quæstio, inter nos passim in discursu familiari agitata: Cur tertiaria epidemia urbis partem, quæ ad Nicrum, citius invalerit, gravius exercuerit, pertinacius ipsi inhaerit? Humilior illa pars urbis est, cui obstant ædes altiores, clivo montis impositæ, quò minus liber appetat aquilo; Exponitur soli meridiano, qui gravior ipsis incubat, cum aliis incommodis conditioni ipsarum propriis: Obvertitur austro illi, qui hactenus malè audit, sed



sed, qui juxta *Celsum* nobis deberet esse multo minus gravis, minus noxius, quia non à mari immediatè, verùm à mediterraneis regionibus veniens salubrior, quem non excipimus, ut Itali per mare, nisi per intermedias alpes & nostras & rheticas prius defæcatum & alteratum: Cui adde vallem, in quam liber inde prospectus, perflari commodè ab euronoto & Zephyro, coextendi cum tractu illarum ædium ad fluvium, ubi non stagnant aquæ, (qualibus siccatis vicinia prius communiter febricitans jam dicitur vivere liberior alibi) sed ubi decursum Nicri communiter comitatur fluxus aeris. Transire tamen, exspatiari ad aquas, uti frequentare templum, suspectum est nostris, metuentibus illam tertianam nimis quàm facilem ad recidivas. Nec alio potu vel cibo novimus usos, qui ibi habitant, quo febris induci potuerit; prout quidem apud Belgas post esum de cabeljavo, pisce pingui, & putredini opportuno, febris quandoque cur exsurgat, sollicitus inquit *van der Linden* l. c. Cæterùm fuerunt sub principium in vicinis ibi pascuis stativa militum, (per paucos tamen dies) & ipsorum ægros excepit vicinus ad meridiem pagus, miserè indè mulctatus; nec hoc ergò erat prætermittendum, quia febrium inde stativa deduxerunt alii, tanquam contagiosæ malignitatis refractæ gradum infimum, quæ abhinc reliquæ urbi etiam nullatenus pepercit, interim epidemiorum more spatium quosdam vel præteriit, vel tenuit lenius, vel dimisit à relapsu immunes. En! quanta per omnem naturæ obscuritatem sit rationum difficultas.

Historiola, quæ per multa veterū Scripta vagatur, variis traditionibus mutata, hîc prætermitti non potuit, quia medicinam tangit, & etesiarum beneficia; *Diogenes Laertius* eam recenset de *Empedocle*, multis modis, scribens, eum virum admirationi habitum, *Timæus* autor est. Namq; etesias aliquando vehementer flantibus, adeò ut fruges corrumperent, excoriari asinos jussit, facisq; utribus eos collibus & montiū verticibus admoventi ad comprehendendos flatus; cessantibusque ventis, ab eventu rei καλυσανέμων vocatum esse. Ridiculè satis, quoniam aliter & verosimilius *Plutarchus* rem eandem narrat: *Empedocles* *Physicus*, cùm animadvertisset gravem quendam & pestiferum austrum per montis scissuram in campos mitti, obstructâ eâ, pestem à loco avertisse visus est: Regionem sterilitate & pestilentia, obstructis montis faucibus, per quas auuster in campos incidebat, liberavit. Ita insigni dexteritate criticâ *Menagius Laertii* stupidum errorem, pro Αγοφάγας ὄρες, legentis Αγοφάξας ὄρες, correxit. Unde omninò etiam corrigendus *Henrnius*, qui in comm. ad aph. 5. f. 3. *Acroni* tribuit liberatam à peste Siciliam, & quidem per bubula coria ventis coercitis; Item *Schraderus*, qui in comm. ad eundem aph. *Hippocrati* liberatam à peste Graciam, cùm præ-



clulo aditu austri spiritibus, aquilonem immitteret: In notis enim *Menagii* ex *Plutarcho* uterque & *Acron* & *Hippocrates* non obtentis austro coriis, vel ventorum ope, sed accensis crebris ignibus id præstitisse legitur; Quod tamen passim frustra factum testantur posterii.

Dictum autem fuit supra, Etesias peccare non modò defectu, sed etiam excessu, & sic induere rationem causæ morbificæ: Nam non solum in *epidemiorum libro primo sectione secundâ* in thaso, cùm annus fuisset totus humidus, frigidus & aquilonius, tunc etesiae dicuntur continenter spiravisse, neque admodum ferventem sed moderatam fuisse æstatem; adscribuntur autem huic æstati & autumnino lienteriae, dysenteriae, diarrhoeæ, stranguriæ, vomitiones, tabes, febres continuæ, paucis ardentes, plures intermittentes; sed etiam *libr. d. aer. &c.* apud eos, qui septentrioni expositi habitant, morbi passim vagantur lites, & acuti, alvi duræ existunt, pleraque vasa ipsis intrò rumpuntur, &c. ob corporis intentionem & ventris duritiem; neque enim posse invalescere ejusmodi morbos, ubi alvi liquidæ fuerint, ut sub calido & humido austro. Item *aphor. 5. s. 3: Ab aquilone tussis, faucium asperitates, alvi duræ, urine difficultates, horrores, laterum & pectoris dolores fiunt.* Et quibus frigidum inimicum sit, traditur aphorismo non uno, scil. 17. 18. 20. s. 5. & apud *Celsum* l. 1. c. 12. seni, tenui, vulnere, & pluribus inde partibus maximè exanguibus & nervosis. *Wedelius* tamen in *aph. aph. 17. 3: Ab aquilone producti effectus cum austro comparati omnes minus graves sunt.*

Nec in ipsâ meteorologiâ omni culpâ vacat plaga mundi septentrionem inter & ortum, quin calamitatem inferat non unam: Grandinosus sanè per æstatem interdum fit euroboreas, videlicet citat. *ephem. Tubing. & ENC. 3. 5. 275*; Pruinosus etiam est, juxta *Diss. Præidis* d. gelicidio, cujus ipsum meminimus edidisse nuper Specimen die duodecimo Junii, adeò prope solstitium æstivum. Sic ille flatus in se & ad hominem ex methodicorum sectâ est strictus & stringens, oppositus laxitati austrinæ, æstivæ tendentiæ extrorsum, quamdiu medium tenet beneficus; rigidior autem inclinat ad coagulandum, lacescendum, illud in ordine ad humores, hoc in ordine ad fibras nerveas. Frigus ab autumnno in hyemem cogit atque densat corpora, reprimat ad interiora calorem cum sanguine & spiritu, à quâ retrocellione meliorem sub frigore appetitum deducit *Galenus* in comm. ad cit. *aph. s. 1.* Cum calore autem per æstates comparatum est variè: Majo fortè, Junio & Julio ante dies caniculares calor est major, quàm postmodum per ipsos; quanquam primus calor, quia adhuc novus, possit esse molestior, vel videri major, utut reapse non sit: Interim multum importat duratio caloris, adhuc ulterius per Julium in Augustum



gustum protensi ad efficiendum nos ipsâ diuturnitate gravius. Ille tamen æstivus calor modò interrumpitur, modò excipitur inopino frigore, & à tali facilius utique & gravior percellitur præcalesfactum corpus; hoc autem fundamentum etiam est erroris, qui subest famosæ passim antiperistasi, quæ in specie per æstatem prætenditur in cellis & locis subterraneis frigidioribus tum creditis, & tepidis hyeme, scil. ad sensum nostrum, non ad rei veritatem, quippe non ad fidem thermometri. Nihilominus corpus nostrum aliter hyeme, aliter æstate constitutum, & aeri utrinque suo tempore contemperatum, uti minorem recessum tunc sentit facilius, & æstimat gravius, ita omnem subitam mutationem experitur periculosiorem. De rigore venti non rarò audiuntur querelæ, quòd quasi radat, qui in eo gradu tepor videretur hyemea. Cæterùm Celsus: *Corpus caloribus relaxatum subito frigore excipi, quandocunque evenit, noxium est.* Hinc quàm per æstatem intempestivus frigida haustus, & imprudens æstuantis corporis denudatio, frequenter contingunt, & fortè conjunguntur, tam malè cedunt; Evolv. quæ subministrat B. Wepferus ENC. 2. 10. 71. & Præsidis B. Pares in trigâ thesium medico-practicarum. *Itinerarium*, nî fallimur, nam ad manus jam non est. *Legati Gallici in Siam* prudentiæ talis fructum exhibet, cum sub ipsâ lineâ æquinoctiali, nudantibus aliis corpora, suum Ille magis sollicitè regeret, quippe reliquis inde febrientibus Ipse sanus perstitit.

Legi hinc etiam merentur observationes Car. Pisonis d. coll. ser. plerumque enim scribit de propriis passionibus à septentrione: primò sub finem Augusti, ineunte autumno, eos quibus serum redundat, si in tegendo corpore minus fuerint cauti, à frigore nocturno vel matutino pati observat dejectiones copiosas, aqueas ex prædominio, etiam biliosas aliquatenus, aut tantillo cruore affusas, ex hac ætiologiâ, quòd serum per densatos ab ambientis inclementiâ poros evadere nequens introrsum deorsumque pulsus & detrusus atque percussus abluat per hepar bilem, ab intestinis fæcum reliquias, secumque ita per hanc corporis sentinam naturæ providentiâ expurget. Deinde aeris frigidioris vim in me, scribit, à pluribus annis meo malo ita experior, ut nunquam boreas sæviat, quin uti mihi intestinum quantum quantum est dies noctesque sentiam, ut ex eo dolore vel in conclavi, imò in lecto, boreæ flatum etiam lenem certissimè diviner prænunciemque. Tandem subjungit, idem serum in vasis & habitu corporis multum repentino aquilonis flatu, cui vis inest in comprimendis vasis, ex circumferentiâ corporis depulsus, iter relegere ac remeare in interiora, indeque pleno alveo torrentis instar in vasa urinæ descendere, pro paroxysmo nephritico, ubi saburram offenderit sabulosam. His adde diversos Vallesii ab austro & aquilone catarrhos, ab illo quidem, quia humectat & replet, caput gravat, cum fluxu copiosiore & febre, ab hoc, quia penetrat, mordet & refrigerat spiritales partes, & si quid succi redundat velut exprimit, sed cum sicinate, & sine febre, aut certè cum acutâ, ob internas inflammatione, comm. ad epid. l. 5. § 7.

Claudat agmen aphorismus 5. § 4: *Sub cane & ante canem difficiles sunt purgationes.* Hunc inter vulgi errores in medicinâ retulit Jac. Primerosius lib. 4. c. 11. ob rationes non nullas, quia quæ veteres de hoc fidere scripserunt experientiæ (in Angliâ & Galliâ, non respondeant, quia tantus sub cane



ardor ibi non sit, quàm olim in Græciâ, quia etiam sub cane si hodiè impensè caleat, cras fortè temperatius erit cœlum, quia Majo & Junio interdum vehementior ardor quàm canicularis; Non ergò numerandos dies, sed attendendum æstus, & tunc servandam Hippocratis regulam: Nec tamen, ubi opus, purgandum mediis hippocraticis, nisi præparatis & parciore dosi, sed mitibus, lenibus, quæ nec corpus valdè accendant, nec humores ad eò exagitent. Quæ in quantum cum nostris conveniant, patet. Qui *hypercacoannam* principiis febrium & dysenterix destinant recentiores, poterunt alios ex Hippocrate in subsidium vocare *aphorismos æstivos*, sc. sect. 4. 4. 6. 12. sect. 5. 15; sed nos ista dum scribimus calore fessi subsistimus: Dominus Deus noster, qui *ambulat super pennas ventorum*, & angelos suos facit Spiritus, urbi restituat & conservet salubritatem!

**R**echt wohl stimmt überein der That mit der That/  
Da Kunst und Weisheit Er mit GOTT erlanget hat.  
Die Frucht zeugt von dem Baum/ so Er uns weist hier.  
Glück zu! Es folge bald der Doctors-Hut und Stier.

Dieses setzte seinem Herrn Vetter glückwünschend bey  
M. THOMAS BURCKHARD HOPFFER, SS. Theol. Stud.

**D**E mollibus dum dicis ETESIIS,  
Ardentem opto, Remigium Tui  
Semper laboris VENTUS inflet  
Perplacidus Benedictionis.

*Ita Clarissimo Dno Respondenti Cogn. suo æstüm.  
applaud.*

M. ANDREAS CHRISTOPH. ZELLER, SS. Theol. Stud.

**W**er reine Gottesforcht als Richtschnur sich erwehlet/  
Dem hat in seinem Fleiß der Seegen nie gefehlet;  
Und wen des Höchsten Hand zur Weisheit selbst lenket/  
Bey dem wird nach der Zeit viel Ruhm und Ehr verspüret.  
Diß können wir an Dir/ Geliebter Bruder/ sehen/  
Denn Dir des Himmels Günst will gleiches anvertrauen/  
Die Deiner Jugend Fleiß und Arbeit so beglückt/  
Daß Deine Wolsarth sich nach unsrer Hoffnung schickt.  
Wolan! GOTT wolle Dich noch immerhin regieren/  
Das Dir vertraute Werck so rühmlich zu vollführen/  
Bist Du ein schöner Lohn für Deine Müß ergeht/  
Und Esculapius in Doctor-Orden setzt.

Dieses wünschen aus Brüderlicher Affection  
Johann Ehrenreich Weißmann.  
und  
Georg Tobias Weißmann.